

TAJNE ANADOLIJE & EGEJSKI MOZAIK

06 – 15. OKTOBAR 2026. / GARANTOVAN POLAZAK!

**ANKARA + KAPADOKIJA + KONJA + PAMUKKALE + DALYAN + MARMARIS + RODOS +
SIRINCE / SELCUK + EFES + CESME + ALACATI + URLA + IZMIR**

1. DAN | 06.10.2026. | SARAJEVO – ISTANBUL – ANKARA (avion)

Okupljanje na sarajevskom aerodromu 3 sata prije leta (06:00h). Check in i let za Istanbul u 09:05h avio kompanijom Turkish airlines. Dolazak u Istanbul i presjedanje na let za **ANKARU**. Dolazak u Ankaru u 15:00h. Slijedi pasoška kontrola sastanak sa lokalnim vodičem te panoramski razgled grada.

U nastavku programa organizovan je panoramski razgled glavnog grada Turske, tokom kojeg ćemo upoznati najvažnije gradske tačke:

- **Tunalı Hilmi Caddesi** – jedna od najpoznatijih i najživljih ulica u Ankari, smještena u modernom dijelu grada, poznata po elegantnim buticima, modernim kafićima, restoranima i dinamičnoj atmosferi. Ulica nosi ime po poznatom turskom političaru Tunalı Hilmi Beyu.
- **Kızılay Meydanı** (15. juli – Trg nacionalne volje) – centralni gradski trg i srce Ankare, važan saobraćajni i društveni centar gdje se susreću svi pravci grada.

Tokom vožnje kroz grad, upoznat ćemo se i sa pričom o Ankari – modernoj prijestolnici Turske i drugom najvećem gradu u zemlji, koji je zahvaljujući Mustafa Kemal Atatürk postao političko i administrativno središte države. Iako često u sjeni Istanbula, Ankara odiše posebnim šarmom: spoj je savremene arhitekture, širokih bulevara i bogate historije koja seže još u antičko doba.

Grad je poznat po svojim univerzitetima, državnim institucijama, ali i živahnoj urbanoj sceni, kvalitetnim restoranima i autentičnoj atmosferi koja daje pravi uvid u svakodnevni život Turske.

Nakon razgleda slijedi transfer do hotela, smještaj i večera. U večernjim satima moguć je individualni izlazak i dodatno upoznavanje sa gradom. Noćenje.

2. DAN | ANKARA / ANITKABIR – SLANO JEZERO – KAPADOKIJA / ORIJENTALNO VEČER

Doručak u hotelu. Nakon doručka slijedi odjava i nastavak programa uz posjetu jednom od najznačajnijih mjesta moderne Turske – **Anıtkabir**, mauzoleju osnivača Republike Turske Mustafa Kemal Atatürk. Impozantan kompleks, smješten na uzvišenju iznad grada, simbol je nacionalnog ponosa i jedno od najposjećenijih mjesta u zemlji. U zavisnosti od broja zainteresovanih, mogućnost fakultativne posjete muzeju Anadolskih civilizacija.

Nakon obilaska, polazak prema centralnoj Anadoliji i jedinstvenom prirodnom fenomenu – **Tuz Gölü** (Slano jezero). Ovo drugo najveće jezero u Turskoj poznato je po svojoj nestvarnoj bijeloj površini i kristalima soli koji stvaraju prizor nalik ogledalu. Pauza za fotografisanje i uživanje u neskakidajšem pejzažu.

Nastavak vožnje prema Kapadokiji – jednoj od najfascinantnijih regija svijeta, poznatoj po vulkanskim formacijama, “vilinskim dimnjacima” i podzemnim gradovima.

Po dolasku u regiju, pravimo prva zaustavljanja kako bismo osjetili čaroliju ovog kraja:

- **Uçhisar Panorama** – najviša tačka Kapadokije sa spektakularnim pogledom na doline i stijenske formacije.
- **Pigeon Valley** – dolina poznata po hiljadama malih pećina koje su nekada služile za uzgoj golubova, uz predivne vidikovce. Dolazak u hotel, smještaj i kraći odmor.

U večernjim satima mogućnost odlaska na autentično **orijentalno veče** – program uz tradicionalnu muziku, folklorne plesove i trbušni ples, uz večeru i piće (fakultativno). Noćenje u Kapadokiji.

3. DAN | KAPADOKIJA – KONYA

U ranim jutarnjim satima mogućnost fakultativnog izleta – **let balonom iznad Kapadokije***. U trenutku izlaska sunca, deseci balona podižu se iznad dolina stvarajući prizor koji se pamti cijeli život. Povratak u hotel i doručak.

Nakon doručka slijedi odjava iz hotela i nastavak obilaska Kapadokije – jedinstvenog spoja prirode, historije i kulture.

Tokom dana obilazimo:

- **Göreme Open Air Museum** – kompleks pećinskih crkava i manastira pod zaštitom UNESCO, sa impresivnim freskama iz ranohrišćanskog perioda
- **Göreme** – srce Kapadokije, gdje slobodno vrijeme koristimo za šetnju i kupovinu autentičnih suvenira
- **Avanos** – grad na obali Crvene rijeke (Kızılırmak), poznat po stoljetnoj tradiciji izrade keramike; posjeta radionici i demonstracija izrade
- **Saratlı Underground City / Kirkgöz Underground City** – podzemni gradovi sa više nivoa, nekada sigurno utočište lokalnog stanovništva

Napuštamo Kapadokiju i nastavljamo putovanje prema unutrašnjosti Anadolije. Usput pravimo pauzu kod historijskog karavanseraja **Obruk Han** koji je svjedočanstvo nekadašnjih trgovačkih puteva i vremena Seldžuka. Dolazak u Konyu u večernjim satima, smještaj u hotel, večera i noćenje.

**Let balonom ovisi o vremenskim uslovima i raspoloživosti. Za let balonom potrebno je napraviti rezervaciju istog min. mjesec dana prije leta.*

4. DAN | Konya – DENIZLI / PAMUKKALE

Doručak i odjava iz hotela. Zatim slijedi obilazak jednog od najvažnijih duhovnih i kulturnih centara Turske – turbeta velikog sufijskog pjesnika i filozofa **Džalaludin Rumi**, smještenog u kompleksu **Mevlana Museum**. Ovo mjesto odiše posebnom duhovnom energijom i predstavlja simbol grada Konye.

U neposrednoj blizini nalazi se i **Selimiye Mosque**, jedna od najljepših osmanskih džamija u gradu, nakon čega slijedi slobodno vrijeme za individualni razgled Konye – grada koji je uspio sačuvati autentičnu tursku tradiciju, mirniji tempo života i duh prošlih vremena.

Nastavak putovanja prema Denizli, u čijoj se regiji nalazi jedinstveni prirodni fenomen poznat kao “tursko 7. svjetsko čudo” – **Pamukkale**.

Dolazak u poslijepodnevnim/večernjim satima i smještaj u jedan od termalnih hotela, koji koristi ljekovitu termalnu vodu bogatu mineralima sa područja Pamukkale. Slobodno vrijeme za odmor, korištenje hotelskih sadržaja i uživanje u termalnim bazenima. Večera u hotelu. Nakon večere moguć individualni odlazak u obližnje mjesto **Karahayit**, poznato po crvenim termalnim izvorima i brojnim prodavnicama suvenira, gdje po povoljnim cijenama možete pronaći autentične proizvode iz regije Denizli, ali i iz drugih dijelova Turske. Noćenje.

U pojedinim hotelima moguće je organizovano večernje druženje uz muziku i trbušni ples (u zavisnosti od programa hotela).

5. DAN | PAMUKKALE – SLOBODAN DAN / FAKULTATIVNI IZLET

Doručak. Slobodan dan za odmor i uživanje u hotelskim termalnim sadržajima ili mogućnost odlaska na fakultativni izlet.

Za zainteresovane putnike organizuje se odlazak prema jednom od najpoznatijih prirodnih i historijskih lokaliteta Turske – **Pamukkale**.

U sklopu posjete predviđen je obilazak antičkog grada **Hierapolis**, poznatog po impresivnim ostacima iz rimskog perioda. Tokom razgleda vidjet ćemo ostatke ranohrišćanske bazilike i mjesto koje se povezuje sa apostolom **Sveti Filip**, zatim veličanstveni antički amfiteatar, kao i veliku nekropolu sa brojnim sarkofazima.

Nakon obilaska slijedi šetnja kroz jedinstveni prirodni fenomen – Pamukkale, što u prijevodu znači “Pamučna tvrđava”. Riječ je o spektakularnim bijelim terasama nastalim taloženjem minerala iz termalne vode bogate kalcijem, koja se slijeva niz padine i stvara nestvarne pejzaže.

Slobodno vrijeme za uživanje i kupanje u prirodnim bazenima, odnosno krečnjačkim terasama. Također, postoji mogućnost fakultativnog kupanja u poznatom **Kleopatra bazen**, termalnom bazenu sa ostacima antičkih stubova, koji pruža jedinstven doživljaj. Povratak u hotel. Slobodno vrijeme za odmor i korištenje hotelskih termalnih bazena. Večera. Noćenje.

6. DAN / PAMUKKALE – DALYAN – MARMARIS

Doručak. Napuštanje hotela i vožnja prema mjestu **Dalyan** gdje nas očekuje krstarenje istoimenom rijekom. Po dolasku u mjesto Dalyan ukrcaj na male brodiće kojima nastavljate plovidbu ka cilju, a to je ušće rijeke u Sredozemno more. Rijeka je specifična po tome što se, zbog specifičnog tla i okoline kojim protiče, sastoji iz bezbroj rukavaca obraslih visokom trskom. Čini se da raspored rukavaca i

snalaženje u šumi trske poznaju samo oni koji će vas provesti ovim zanimljivim rezervatom. Usput ćete biti u prilici da vidite čuvene kornječe **Caretta Caretta** (ukoliko se pojave) i grobnice velikana tadašnjeg grada koje su uklesane u stijenama. Poslije ove avanturističke vožnje kroz tršćane rukavce i mirnu vodu, stiže se do **ušća rijeke Dalyan u Sredozemno more gdje pješčani sprud odvaja uzburkanu i valovitu slanu vodu mora**, od mirne slatko - slane vode rijeke Dalyan. To je mjesto gde puca pogled na pučinu Sredozemnog mora, a ovu dugu pješčanu plažu zovu još i **Plažom kornjača**. Slobodno vrijeme za kupanje i nakon završetka, transfer do autobusa te vožnja prema hotelu u **Marmarisu**. Smještaj, večera i noćenje.

7. DAN | MARMARIS SLOBODAN DAN – RODOS ili KRSTARENJE BRODOM

Doručak. Slobodan dan za vlastite aktivnosti u Marmarisu – jednom od najatraktivnijih ljetovališta na turskoj obali. Grad je poznat po dugoj obali, velikoj marini ispunjenoj jahtama i jedrenjacima, te živopisnom šetalištu uz more koje je okruženo palmama, restoranima, barovima i kafićima. Sa svojom kombinacijom prirodnih ljepota, istorije i modernog turizma, Marmaris nudi ponešto za svakoga – bilo da tražite odmor na plaži, avanturu ili noćni provod.

Ovaj dan moguće je iskoristiti i za jedan od fakultativnih izleta:

- **IZLET NA RODOS** – mogućnost jednodnevne posjete grčkom ostrvu Rodos, koje se nalazi u neposrednoj blizini Marmarisa, u Egejskom moru. Organizovan odlazak trajektom, uz obilazak starog grada Rhodes Old Town, koji je pod zaštitom UNESCO. U sklopu izleta predviđena je kraća pratnja vodiča (cca 1 sat), dok je ostatak vremena predviđen za individualno istraživanje, šetnju ili kupanje. Povratak u Marmaris u poslijepodnevni/večernjim satima.
- **KRSTARENJE BRODOM** – cjelodnevni izlet brodom duž obale Marmarisa, sa više zaustavljanja u skrivenim uvalama i kristalno čistim vodama, uz mogućnost kupanja, sunčanja i opuštanja (fakultativno).

Povratak u hotel. Noćenje.

8. DAN | MARMARIS – ŞIRİNCE / EFES – ÇEŞME

Doručak. Nakon doručka slijedi odjava iz hotela i polazak iz Marmaris prema zapadnoj obali Turske, kroz slikovite pejzaže Egejske regije. Dolazak u šarmantno **selo Şirince / Selcuk**, skriveno među brežuljcima i poznato po svojoj autentičnoj arhitekturi, kamenim kućama, uskim kaldrmisanim ulicama i bogatoj tradiciji proizvodnje vina. Slobodno vrijeme za laganu šetnju, uživanje u lokalnim specijalitetima, degustaciju voćnih vina i kupovinu unikatnih suvenira.

Za one koji žele više istraživanja, organizuje se **fakultativni odlazak** prema jednom od najznačajnijih antičkih lokaliteta **Turske – Efes**. Tokom obilaska ovog veličanstvenog grada iz rimskog perioda, imat ćete priliku osjetiti duh nekadašnje metropole kroz impresivne ostatke poput antičkog teatra, mramornih ulica i čuvene Celsusove biblioteke.

U sklopu izleta predviđena je i posjeta svetom mjestu **Kuća Djevice Marije / Hazreti Meryem**, koje ima poseban značaj za vjernike iz cijelog svijeta i gdje je, prema predanju, Djevica Marija / Hazreti Meryem provela svoje posljednje godine života. Mjesto odiše mirom i posebnom duhovnom atmosferom.

Nakon obilaska, nastavak putovanja prema Çeşme, jednom od najljepših ljetovališta na egejskoj obali, poznatom po kristalno čistom moru, opuštenoj atmosferi i modernim turističkim sadržajima. Dolazak u večernjim satima. Smještaj u hotel, večera i noćenje.

9. DAN | ÇEŞME SLOBODAN DAN ILI FAKULTATIVNI IZLET URLA & ALAÇATI

Doručak. Slobodan dan za odmor i uživanje u čarima Çeşme – kupanje na prelijepim plažama, šetnja uz more ili individualne aktivnosti. Za zainteresovane putnike organizuje se **fakultativni izlet** prema najljepšim dijelovima egejske obale:

Polazak prema oblasti **Urla**, šarmantnom mjestu poznatom po vinogradima, maslinjacima i autentičnoj egejskoj atmosferi. Šetnja i slobodno vrijeme uz mogućnost degustacije domaćih proizvoda.

Nastavak putovanja prema **Alaçati**, jednom od najpoznatijih i najfotogeničnijih mjesta u Turskoj. Ovo malo mjesto očarava kamenim kućama, uskim ulicama ukrašenim cvijećem, boutique radnjama i brojnim kafićima i restoranima. **Slobodno vrijeme za šetnju, fotografisanje i uživanje** u jedinstvenoj atmosferi koja Alaçati čini pravim rajem za ljubitelje estetike, gastronomije i opuštenog života. Povratak u hotel u poslijepodnevni satima.

Večera. Noćenje.

10. DAN | 15.10.2026. | IZMIR LOCCO – SARAJEVO DIREKTAN LET

Doručak. Odjava iz hotela i polazak prema biseru egejske regije, jednom od najljepših gradova Turske – **Izmir**.

Dolazak u centralni dio grada, **Konak**, te panoramski razgled grada koji važi za najliberalniji i najopušteniji grad u Turskoj, poznat po spoju moderne urbane energije i mediteranskog načina života.

Slobodno vrijeme provodimo u srcu grada, kod čuvene Izmir **Clock Tower** – elegantne sahat kule iz osmanskog perioda, koja je postala simbol Izmira i nezaobilazno mjesto okupljanja. Trg oko kule uvijek je živ, pun golubova, lokalnog stanovništva i turista, što mu daje

posebnu atmosferu.

Odmah uz obalu pruža se poznati **Kordon** – duga šetnica uz more, idealna za opuštanje, šetnju i uživanje u pogledu na Egejsko more. Ovdje se nalaze brojni kafići i restorani, a lokalci često sjede na travi, piju kafu ili čaj i uživaju u zalasku sunca, što daje gradu poseban mediteranski šarm.

Za one koji žele osjetiti autentični duh grada, preporučuje se posjeta **Kemeralti Bazaar** – jednoj od najvećih i najživljih pijaca u Turskoj. Ovo je pravi lavirint ulica prepun radnji, suvenira, začina, tekstila i lokalnih proizvoda, gdje se može doživjeti pravi orijentalni ambijent i cjenkanje na tradicionalan način.

U dogovoreno vrijeme transfer na Adnan Menderes aerodrom. Check in te direktan let za Sarajevo u 18:55h. Slijetanje u Sarajevo predviđeno je u 19:50h po lokalnom vremenu. KRAJ PROGRAMA.

CIJENA ARANŽMANA:

ULTRA FIRST MINUTE CIJENA: 1980,00 KM+ TAKSE

(važi za prvih 15 rezervacija ili za rezervacije napravljene do 01.06.2026.)

Regularna cijena aranžmana: **1980,00 KM+ TAKSE + PAKET OBAVEZNIH POSJETA!**

(važi za rezervacije napravljene nakon 01.06.2026, do popunjenja kapaciteta)

CIJENA ARANŽMANA UKLJUČUJE:

- Avio kartu Turkish Airlines sa uključenim prtljagom i kateringom na relaciji Sarajevo – Istanbul – Ankara
- Avio kartu SunExpress sa uključenim prtljagom na relaciji Izmir – Sarajevo (direktan let)
- Smještaj u hotelima 4★ i 5★ na bazi polupansiona (večera/noćenje/doručak) u ½ sobama – 9 noćenja / 9 doručaka / 8 večera
- Transferi autobusom visoke turističke klase sa punom opremom
- Vođa puta iz BiH te lokalni vodiči tokom cijelog putovanja
- Obilasci predviđeni programom (osim fakultativnih izleta i obaveznih doplata)
- Paket obaveznih posjeta po programu: GRATIS za prvih 15 rezervacija

CIJENA ARANŽMANA NE UKLJUČUJE:

- Aerodromske takse: 220,00 KM
- Bakšiš za vozača i vodiče: 20 KM
- PZO (putno zdravstveno osiguranje): 2 KM/dan
- Paket obaveznih posjeta po programu: 180,00 KM / **GRATIS** za prvih 15 rezervacija

PAKET OBAVEZNIH POSJETA OBUHVATA:

- Obilazak Ankare
- Posjeta i ulazak u Anıtkabir mauzolej
- Posjeta Tuz Gölü (slano jezero)
- Posjeta Uçhisar Panorama
- Posjeta Pigeon Valley
- Posjeta Göreme Open Air Museum
- Posjeta podzemnom gradu (Saratlı Underground City / Kirkgöz Underground City)
- Posjeta fabrici za proizvodnju glinenih čupova u Avanos

- Posjeta i obilazak Mevlana Museum u Konya
- Posjeta Obruk Han na dionici između Konye i Pamukkala
- Korištenje termalnih bazena u sklopu hotela na Pamukkale
- Posjeta selu Karahayit
- Krstarenje rijekom Dalyan River sa usputnim atrakcijama
- Panoramski razgled grada Marmaris
- Posjeta i obilazak selo Sirince
- Posjeta i obilazak naselja Konak u Izmir

UKUPNA CIJENA PAKETA: 180,00 KM (plaća se u agenciji)

FAKULTATIVNI IZLETI I ULAZNICE:

- **Let balonom iznad Kapadokije** – cca 250 EUR
(obavezna rezervacija min. 1 mjesec unaprijed)
- **Tursko veče u Kapadokiji** (večera + piće) – cca 70 EUR
- **Obilazak Hierapolisa i Pamukkala** – cca 50 EUR
- **Izlet na Rodos** – cca 90 EUR
- **Ulaznice za Efes i Kuću Djevice Marije (Hazreti Meryem)** – cca 60 EUR
- **Izlet Çeşme – Urla – Alaçatı** – cca 30 EUR

NAPOMENA:

Državljeni Bosne i Hercegovine, nosioci običnih i službenih pasoša, **oslobođeni su viznog režima** i mogu boraviti u Turska do **60 dana**.

U skladu sa važećim propisima, putnici su dužni posjedovati pasoš ili putnu ispravu čija je važnost **najmanje 150 dana od dana ulaska u zemlju**.

Cijena aranžmana formirana je na osnovu **trenutne tržišne cijene naftnih derivata**. U slučaju njihovog povećanja, agencija zadržava pravo **korekcije cijene aranžmana**, kao i pravo **otkaza putovanja u slučaju nedovoljnog broja prijavljenih putnika**.

Slanjem kopije/slike pasoša, aranžman se smatra **potvrđenim**, te na snagu stupaju **opći uslovi i pravila otkaza putovanja**.